

Okrugli sto na temu: „Fondovi za podršku poduzetništvu i efekti njihove iskorištenosti”.



**NEZAVISNI BIRO ZA RAZVOJ  
INDEPENDENT OFFICE FOR DEVELOPMENT**

---

**PROGRAM PARTNERSKOG GRAĐANSKOG ZASTUPANJA (CAPP)**

**Projekat: „BH vlasti i nezaposlenost”**



Implementacija projekta podržana je od:

**CENTRI CIVILNIH INICIJATIVA  
ЦЕНТРИ ЦИВИЛНИХ ІНІЦІЈАТИВА**

---

Zaključci i preporuke sa okruglog stola na temu;  
**FONDOVI ZA PODRŠKU PODUZETNIŠTVU I EFEKTI NJIHOVE ISKORIŠTENOSTI**

Tuzla, 27.maja 2008.godine,  
BIT Centar Tuzla

U okviru Programa Partnerskog građanskog zastupanja koji realizuje Centri Civilnih Inicijativa (CCI) u Bosni i Hercegovini, realizuje se projekat pod nazivom „BH vlasti i nezaposlenost“, čijom implementacijom rukovodi Udruženje Nezavisni biro za razvoj.

Projekat se fokusira na problem nezaposlenosti na području Tuzlanskog kantona, sa ciljem jačanja koalicionog zagovaranja za građanske zahtjeve sadržane u Građanskoj platformi za izbore 2006. godine, u kojoj je problem nezaposlenosti istaknut kao jedan od ključnih problema i kao prioritet za rješavanje, s tim da je rješavanje problema nezaposlenosti jedan od ključnih ciljeva ovog projekta.

Jedna od aktivnosti Projekta bilo je priprema i realizacija okruglog stola kome je prethodilo istraživanje „Fondovi za podršku poduzetništvu i efekti njihove iskorištenosti”. Fokus ovog istraživanja je usmjeren na dostupnost i korištenje fondova za podršku razvoja poduzetništva, od kojih se očekuje pozitivan uticaj na rješavanje problema nezaposlenosti, odnosno, čijim se pravilnim i efektivnim korištenjem očekuje pozitivan rezultat na stvaranje uslova za zapošljavanje i stvaranje novih radnih mjesta. Vlast ne može i nema uslove da sama kreira radna mjesta, ali u svakom slučaju treba i mora obezbijediti kvalitetne uslove za poslovne subjekte koji će otvarati radna mjesta i ostvariti funkciju zapošljavanja.

Posmatra li se pojedinačno, svaki nivo vlasti, od entiteta, preko kantona do općina, može se zaključiti da se, ustvari, pitanja zapošljavanja, odnosno otvaranja radnih mjesta, dešava na lokalnom nivou, odnosno u općinama i gradovima, koji ustvari nose najveći teret ove problematike. Nažalost, njima su, trenutnim zakonskim propisima, ostavljene male finansijske, odnosno, budžetske mogućnosti za stvaranje kvalitetnijih uslova za poticanje zapošljavanja.

*Fondovi za podršku razvoja poduzetništva su fondovi čija je osnovna funkcija podrška razvoja poduzetništva. U konkretnom smislu se to odnosi na korištenje budžetskih sredstava za unapređenje uslova i klime za razvoj poduzetništva, malih i srednjih preduzeća. Takođe, to se odnosi i na podršku vlasti na povećanju broja novih preduzeća na lokalnom nivou, unapređenju stanja u oblasti poljoprivrede, sa fokusom na primarnu poljoprivrednu proizvodnju, te, u konačnom, stvaranje uslova i omogućavanje poduzetnicima brži i lakši pristup informacijama kao i pristupa poduzetničkoj infrastrukturi koja im može stojati na raspolaganju za početak i unapređenje njihovog poslovanja.*

Potrebno je naglasiti i fokus na postojanje odgovarajućih instrumenata podržavajuće poduzetničke infrastrukture, u koju se, prije svega, ubrajaju: razvojno - poduzetnički centri, poslovni inkubatori, usluge za potporu poduzetništvu i drugi, koji stvaraju kvalitetan doprinos razvoju poduzetništva, i koji, svakako, zahtijevaju odgovarajuću finansijsku podršku iz dostupnih fondova institucija vlasti za njihovo uspostavljanje i funkcionisanje. Ovi vidovi podrške poduzetništvu ne mogu u potpunosti ostvariti nivo samoodrživosti ovih institucija, s obzirom da pružaju povoljne uslove poduzetnicima u njihovim početnim fazama nastanka i razvoja, te na taj način ne mogu i ne trebaju komercijalno funkcionisati.